

DAFYDD ap SIANCYN (SIENCYN) ap DAFYDD ap y CRACH (fl. tua chanol y 15ed ganrif), cefnogwr plaid y Lancastriaid, a bardd

Enw: Dafydd Ap Siancyn (Siencyn) Ap Dafydd Ap Y Crach

Rhiant: Margred ferch Rhys Gethin

Rhyw: Gwryw

Galwedigaeth: cefnogwr plaid y Lancastriaid, a bardd

Maes gweithgaredd: Gwrthryfelwyr; Milwrol; Barddoniaeth; Gwleidyddiaeth a Mudiadau Gwleidyddol

Awduron: Ray Looker, Thomas Roberts

Disgynnai, ar ochr ei dad, o Marchudd (**Peniarth MS 127** ; *Powys Fadog*, vi, 221), ac, ar ochr ei fam, o'r **tywysog Llywelyn ap Iorwerth (Peniarth MS 127 (105), Peniarth MS 129 (128,130); Dwnn**, ii, 102, 132). Margred, merch Rhys Gethin, un o gefnogwyr **Owain Glyn Dwr** (gweler **Lloyd, Owen Glendower**, 66), oedd ei fam. Adroddir hanes ei gampau yn ystod Rhyfeloedd y Rhosynnau gan **Syr John Wynn** yn ei *The history of the Gwydir family* . O'i glydfan ar Garreg-y-Gwalch (ger Llanrwst) cadwodd filwyr plaid Efrog allan o gwmwd Nanconwy hyd 1468, a gwnaeth lawer ymgyrch i'r wlad oddi amgylch. Cenir ei glodydd gan **Ieuan ap Gruffydd Leiaf** a **Thudur Penllyn**. Er fod **Tudur**, yn ei gywydd iddo, yn canmol medr Dafydd fel bardd, nid erys ond tri englyn o'i waith. Cyferchir **Tudur Penllyn** yn un o'r rhain. Ceir y ddau arall, a gyfansoddodd ar ei wely angau, yn llaw ' **Syr 'Thomas Wiliems** ar dudalen o Cardiff MS. 7. Ychwanega **Thomas Wiliems** fod Dafydd, adeg ei farw, yn gwnstabl castell Conwy, a'i fod wedi gorchfygu a lladd ei ragflaenydd yn y swydd. Awgrymir yn yr englynion i Ddafydd farw fel canlyniad i dri chlwyf a dderbyniasai mewn brwydr. Priodolir iddo ddau gywydd yn cyfarch Roger Kynaston a Morys Wyn o Foelyrch, ond amheus yw ei awduraeth o'r rhain, oherwydd ymddengys mai i gyfnod diweddarach y perthynai'r personau hynny.

Awduron

Ray Looker

Thomas Roberts, (1885 - 1960)

Ffynonellau

Sir John Wynn, *The History of the Gwydir Family* (1927), (3ydd arg.), 85-6

G. J. Williams, *Hanes plwyf Ffestiniog o'r cyfnod boreuaf* (Wrexham 1882), 53-4

Jones a Lewis, *Mynegai i Farddoniaeth y Llawysgrifau* (1928)

Darllen Pellach

Erthygl Wicipedia: Dafydd ap Siencyn

Dolenni Ychwanegol

Wikidata: Q13127771

Dyddiad cyhoeddi: 1970

Hawlfraint Erthygl: <http://rightsstatements.org/page/InC-RUU/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n tudalen codi arian am ragor o wybodaeth.

frannu

Arddull APA

x

Looker, R., & Roberts, T., (1970). DAFYDD ap SIANCYN (SIENCYN) ap DAFYDD ap y CRACH (fl. tua chanol y 15ed ganrif), cefnogwr plaid y Lancastriaid, a bardd. *Y Bywgraffiadur Cymreig*. Adferwyd 8 Tac 2024, o <https://bywgraffiadur.cymru/article/c3-DAFY-APS-1450>

Clippwr

Preifatrwydd a Chwcis
Hawlfraint
Y Prosiect
Cymorth
Cysylltu

LGC
NLW

LLYFRGEL
THE NATION



Ysgrifeddi gan
Llywodraeth Cymru
Copied by
Welsh Government